

Utoqqalinersiaqarnek pillugu Namminersorlutik Oqartussat nalunaarutaat nr. 21, 29. december 2015-imeersaq

Utoqqalinersiaqarnek pillugu Inatsisartut inatsisaat nr. 20, 23. november 2015-imeersumi § 1, imm. 4, § 13, imm. 5, § 17, imm. 7 naapertorlugu aalajangersarneqarput:

Aningaasaqarnermut tapeq

§ 1. Pissutsini ataasiakkaani nalilersuereernikkut aningaasaqarnermut tapimik tamakkiisumik ilaannakortumilluunniit ukununga matussusiinissamut kommunalbestyrelsi tunniussisinnaavoq:

- 1) ineqarnermut akiliummut aningaasartuutinut,
- 2) imeqarnermut, innaallagiamut, kiassarnermut, eqqagassalerinerneqarnermut, uuliamut il.il. aningaasartuutinut, aamma
- 3) aningaasartuutit pinngitsoorneqarsinnaanngitsut, illumik iluarsaasinerit aammalu kisarsuutunik iluarsaasinerit il.il. piaartumik isumannaartariaqartut.

Imm. 2. Utoqqalinersiaqartumut aningaasaqarnikkut immikkut ittumik ajornartorsiuteqartumut imaluunniit utoqqalinersiaqartoq aningaasaqarnikkut annertuumik ajornartorsiuteqalerinissaa ilimanaateqarpat aningaasaqarnermut tapeq taamaallaat tunniunneqarsinnaavoq.

Imm. 3. Aningaasaqarnermut tapeqarnissamik qinnuteqaatip nalilersomerani immikkut aamma aningaasaqarnikkut immikkuullarissumik utoqqalinersiallit allat atugaannik allaanerumik utoqqalinersiallip atugaqarnera kommunalbestyrelsip ilaatigut pingaaruteqartutut isiginiarsinnaavaa. Aapparissamut imaluunniit nalunaarsukkamik aapparissamut pilersuisussaataitaneq taamattaq pingaaruteqartutut isiginiarneqarsinnaavoq.

Imm. 4. Aningaasaqarnermut tapeq ataasiartumik tapitit tunniunneqassaaq. Pissutsini immikkuullarissuni aningaasaqarnermut tapeq piffissami qaammatit pingasukkaartumik sivisunerpaamik sivisussusilerneqartumut tunniunneqartarsinnaavoq.

Imm. 5. Aningaasaqarnermut tapeqarnermut aalajangiinermi allassimasassaaq utertitsilluni akileeqqusisoqassanersoq imaluunniit utertitsiluni akileeqqusinertaqanngitsumik tunniussisoqartoq.

§ 2. Illorisamut, biilerisamut, angallatigisamut il.il. pitsanngorsaanissamut imaluunniit aserfallatsaaliinissamut aningaasartuutinut siunertaqartumik aningaasaqarnermut tapeq tunniunneqarsinnaanngilaq.

Saniatigut tapeq

§ 3. Aningaasat nammineq atorsinnaasat annertussusissaat pillugit sumiiffigisami inuuniarikkut pissutsit aallaavigalugit kommunalbestyrelsi aalajangiissaaq.

Imm. 2. Aningaasat nammineq atorsinnaasat tassaapput utoqqalinersiaqartup isertitai maanna atuuttut akileraarusereerlugit, aamma aningaasartuutit makku ilanngaatigereerlugit sinneruttut:

1) Nammineq najugarisamut aningaasartuutit imaluunniit inissiani attartortittakkani ineqarnermut akiliutit ineqarnermut tapiissutit ilanngaatigereerlugit.

2) Imeqarnermut, innaallagiamut, kiassarnermut, eqqaagassalerinnermut, uuliamut il.il. aningaasartuutit.

Imm. 3. Saniatigut tapinut tunngavigineqartuni allannguuteqarpat, utoqqalinersialimmut saniatigut tapiliunneqartut nalimmassarneqassapput, utoqqalinersiallip aningaasat nammineq atorsinnaasaani aallaavigineqartuni tunngavigineqartuni allannguuteqartitsisuuppata.

Paaqqinnittarfinni il.il. angerlarsimaffiup avataani inissisimaneq

Isumaginninnermi ulloq unnuarlu angerlarsimaffimmi inissisimanermi nammineq akiliisarneq

§ 4. Utoqqalinersiaqartoq nammineq isertitaqarpat isumaginninnermi ulloq unnuarlu angerlarsimaffimmi inissisimaneq tamakkiisumik ilaannakortumilluunniit nammineq akilerneqassaaq. Utoqqalinersiat ilanngullugit saniatigut isertitat akileraaruserneqartut 60 pct.-ii akiliutit qaangersinnaangilaat.

Imm. 2. Isumaginninnermi ulloq unnuarlu angerlarsimaffimmi inissisimanermi aningaasartuutit toqqaannartumik attuumassuteqartut akiliutigineqarnissaat taamaallaat piumasarineqarsinnaavoq.

Pisortat paaqqinnittarfiini inissisimanermi utoqqalinersianit ilanngaassisarneq

§ 5. Kaasarfimmiut, akissarsiat imaluunniit pisortat aqcutigalugit sammisassaqaqtitsinermi akissarsiat utoqqalinersianit ilanngaatigineqassapput. Taamaattoq ilanngaassereernerup kingorna utoqqalinersiaqartoq minnerpaamik toqqammaviusumik aningaasartat 46 pct.-iinut annertussuseqartunut nallersuuttunut aningaasaateqartinneqassaaq.

Ukiut utoqqalinersiaqarfiusut qaffanneqarnerinik kinguartitsineq

§ 6. Ukiut utoqqalinersiaqarfiusut qaffanneqarnerinik kinguartitsinissamik qinnuteqaateqartoqareernerani kommunalbestyrelsi aalajangiisuussaaq, tak. utoqqalinersiaqarneq pillugu Inatsisartut inatsisaanni § 1, imm. 2 aamma 3.

Imm. 2. Qinnuteqaateqartup sulisimanerata sivisussusaa naatsorsorneqassaaq piffissaq atavartumik suliffeqalerneraniit piffissamut qinnuteqaateqarnerata tungaanut. Qitornartaarsimaluni sulinnigiffeqarneq, pikkorissarneq aamma ilinniaqqinneq, tunisassiassanik amigaa-teqartoqarnera aamma sikusimaneq pissutigalugu, allatulluunniit nammineq pisuussutiginnisamik pissutigalugu piffissami suliffeqarsimannigineq naatsorsuinnermut ilaatinneqassapput. Sulisimanerup sivisussusaata naatsorsorneranut ilaatinneqassanngillat suliffeqarsimanniginnerit aamma qinnuteqaateqartup piffissani suliffissarsiorsimanniginneri.

Imm. 3. Ukiut utoqqalinersiaqarfiusut qaffatsinneqarnissaasa kinguartinneqarnissaanut piumasaqaataavoq timikkut imaluunniit tarnikkut sulerulunnerup kinguneranik atuussinnaassutsikkut annikillisisimanissaq aammalu sulisinnaassutsikkut atuussinnaassutsip annertuumik

killilernerqarsimanissaa.

Imm. 4. Piffissaq katillugu sulisimaneq, suliffiup suussusaa aamma sivilissusaa pillugit up-
pernarsaatissanik pisariaqartunik kommunalbestyrelsip qinnuteqaateqartoq pissarsiniarnis-
saanik piumasaqaateqarfigisinnaavaa.

Atuussinnaassuseq pillugu uppernarsaammik qinnuteqaateqartoq pissarsiniarnissaanik aamma
qinnuteqaateqartup siusinnerusukkut sulinerata atuussinnaassusaatalu annikillisimaneranut at-
tuumassuteqartumik patsiseqarnera pillugu kommunalbestyrelsi piumasaqaateqarsinnaavoq.

Naammagittaalliorsinnaaneq

§ 7. Nalunaarut manna malillugu aalajangiinerit Isumaginnittoqarfiup aqunneqarnera
aaqqissuussaanelu pillugit malittarisassat sukulluunniit atuuttut naapertorlugit Isumagin-
ninnermi Naammagittaalliuuteqartarfimmut naammagittaalliuutigineqarsinnaapput.

Atuutilerfia

§ 8. Nalunaarut atuutilerpoq 1. januar 2016.

Namminersorlutik Oqartussat, ulloq 29. december 2015



Martha Lund Olsen



Julie Præst Wilche